

資治通鑑今註卷第七

司馬光編集
林瑞翰註

秦紀二 起闕遂闕茂，靈玄默統徐，凡十九年（甲戌至壬辰，西元前二二七年至西元前二〇九年）

始皇帝下

二十年 西元前二二七年

（一）荆軻至咸陽^①，因王寵臣蒙嘉，卑辭以求見。王大喜，朝服，設九賓^②而見之。荆軻奉圖而進於王，圖窮而匕首見^③，因把王袖而提^④之，未至身，王驚起，袖絕。荆軻逐王，王環^⑤柱而走，羣臣皆愕，卒^⑥起不意，盡失其度。而秦漣，羣臣侍殿上者，不得操^⑦尺寸守之兵^⑧。左右以手共搏^⑨之，且曰：「王負劍^⑩！負劍！」王遂拔以擊荆軻，斷其左股。荆軻廢，乃引匕首擲^⑪王，中銅柱，自知事不就^⑫，罵曰：「事所以不成者，欲生劫之，必得約契以報太子也^⑬。」遂體解^⑭荆軻以徇^⑮。王於是大怒，益^⑯發兵詣^⑰趙，就王翦以伐燕，與燕師、代師戰於易水之西，大破之。

【註】

①咸陽：秦都，故城在今陝西省咸陽縣東。

⑨九賓：韋昭曰：「九賓，周禮九儀也。」九儀謂公、侯、伯、子、男、孤、卿、大夫、士。史記索隱曰：「周禮大行人，別九賓，謂九服之賓客也。列士傳云，設九牢也。」劉伯莊云：「九賓者，周王之備禮。天子臨軒，九服同會，秦何得九服？但亦陳設車輅文物耳！」劉敞曰：「賓謂傳摺之摺。九賓，摺者九人。」按：九賓一辭，雖出周禮，但歷代制度或有不同。凡設文物大備，即謂九賓，亦即大朝會之儀，不必援古書爲證，劉伯莊說是。

⑩見：讀曰現。

⑪搯：刺也。

⑫環：圍繞。

⑬卒：讀曰猝。

⑭操：握持。

⑮兵：武器。

⑯搏：徒手奮擊。

⑰王負劍：負即背負之負，負劍即背劍。秦王佩劍長，惶急之際，不可立拔，臣下欲王推劍於背拔之，令易出鞘，故曰王負劍。

⑱擲：同擲。

⑳就：成功。

⑤欲生劫之，必得約契以報太子也：荆軻此語，略謂欲效曹沫之劫桓公，使秦王盡歸燕之侵地。曹沫：春秋魯國人，事魯莊公，有戰績，齊師伐魯，沫三戰三敗，莊公獻遂邑之地以和，與齊桓公盟於柯。曹沫執匕首劫桓公，令齊盡歸魯之侵地，見史記刺客列傳。

⑥體解：分解其肢體。

⑦徇：示衆。

⑧益：多。

⑨詣：往。

二十一年 西元前
二二六年

(一)冬，十月，王翦拔薊①，燕王及太子率其精兵東保遼東，李信急追之。代王嘉遺燕王書，令殺太子丹以獻。丹匿衍水②中，燕王使使斬丹，欲以獻王，王復進兵攻之。

(二)王賁③伐楚，取十餘城。王問將軍李信曰：「吾欲取荆④，於將軍度幾何人而足？」李信曰：「不過用二十萬。」王以問王翦，王翦曰：「非六十萬人不可。」王曰：「王將軍老矣！何怯也！」遂使李信、蒙恬將二十萬人伐楚，王翦因謝病⑤歸潁陽⑥。

【註】

① 薊：今河北省薊縣地。

② 衍水：史記索隱曰：「衍水在遼東。」

③ 王賁：王翦之子。賁，音奔（ㄅㄣˋ）。

④ 荊：荊卽楚。始皇父莊襄王諱楚，故謂楚爲荊。

⑤ 於將軍度幾何人而足：度，預料。李宗侗按漢書叔孫通傳：「二世召博士諸儒生問曰：『楚戍卒攻斬入陳，於公何如？』」又張良傳：「具以酈生計告良曰：『於子房何如？』」與此句法相類似，蓋戰國秦漢間通用語。」

⑥ 謝病：引病辭職。

⑦ 頻陽：故城在今陝西省富平縣東北。

二十二年 西元前二二五年

（一）王賁伐魏，引河溝以灌大梁①。三月，城壞，魏王假降，殺之，遂滅魏。

王使人謂安陵君②曰：「寡人欲以五百里地易安陵。」安陵君曰：「大王加惠，以大易小，甚幸。雖然，臣受地於魏之先王，願終守之，弗敢易。」王義而許之。

（二）李信攻平輿③，蒙恬攻寢④，大破楚軍；信又攻鄢郢⑤，破之，於是引兵而西，與蒙恬會城父⑥。楚人因隨之，三日三夜，不頓舍⑦，大敗李信，入兩壁⑧，殺七都尉⑨，李信奔⑩還。王聞之，大怒，自至頻陽，謝王翦曰：「寡人不用將軍謀，李信果辱秦。」

軍。將軍雖病，獨忍棄寡人乎？」王翦謝病不能將。王曰：「已矣，勿復言！」王翦曰：「必不得已用臣，非六十萬人不可。」王曰：「爲聽將軍計耳！」於是王翦將六十萬人伐楚。王送至霸上^①，王翦請美田宅甚衆。王曰：「將軍行矣，何憂貧乎！」王翦曰：「爲大王將，有功，終不得封侯，故及大王之嚮^②臣以請田宅，爲子孫業耳！」王大笑。王翦既行，至關^③，使使還請善田者五輦。或曰：「將軍之乞貸^④，亦已甚矣！」王翦曰：「不然。王怵中^⑤而不信人，今空^⑥國中之甲士，而專委於我，我不多請田宅，爲子孫業以自堅，願^⑦令王坐而疑我矣。」

【註】

①引河溝以灌大梁：水經云：「渠水出滎陽北河，東南流至浚儀縣。」注云：「始皇使王賁攻魏，斷故渠，引水東南出以灌大梁，因謂之梁溝。」按大梁卽漢之浚儀，故城在今河南省開封縣西北。

②安陵君：魏襄王封其弟於安陵，號稱安陵君。安陵一名鄢陵，故城在今河南省鄢陵縣西北。

③平輿：卽漢之平輿縣，故城在今河南省汝南縣東南。

④廕：漢爲鄢縣，故城在今河南省沈丘縣東南。

⑤鄢郢：胡三省曰：「此鄢郢，非楚故都之鄢郢也。楚故都爲白起所取，秦已置南郡。據楚都壽春，以壽春爲郢，則其前自郢徙陳，亦必以陳爲郢矣。然則此郢，乃陳也。鄢卽潁川之鄢陵，與平輿、城父皆相近。或曰，鄢

郢當作郢陵。」按古陳國，都宛丘，故城在今河南省淮陽縣。

⑧城父：即漢之城父縣，故城在今安徽省亳縣東南。

⑨頓舍：止息。

⑩壁：軍壘。

⑪郡尉：胡三省曰：「此郡郡尉，將兵從伐楚者也。秦列郡有守、有尉、有監，然秦漢之制，行軍亦自有郡尉。」

⑫奔：古奔字。

⑬霸上：亦作灞上，又稱霸頭，即白鹿原，地居霸水之上，故名。其地在今陝西省長安縣東。

⑭嚮：委任之意。

⑮王翳既行，至關：胡三省曰：「此當是出武關也。」按武關爲秦、楚交通孔道，胡說是。

⑯乞貸：求物於人。

⑰怙中：中心疑忌而任人不專。怙音粗（ㄅㄨˊ）。

⑱空：盡出。

⑲願：反。

二十三年 四元西
二二四年

（一）王翳取陳以南至平輿。楚人聞王翳益軍而來，乃悉國中兵①以禦之，王翳堅壁不與戰。楚人數挑戰②，終不出。王翳日休士洗沐，而善飲食撫循③之，親與士卒同食。

久之，王翦使人問軍中戲乎？對曰：「方投石超距^④。」王翦曰：「可用矣。」楚既不得戰，乃引而東，王翦追之，令壯士擊，大破楚師，至蘄南^⑤，殺其將軍項燕^⑥，楚師遂敗走。王翦因乘勝略定城邑。

【註】

④ 悉國中兵：悉：盡；盡出國中之兵。

⑤ 挑戰：激怒敵人以求戰。

⑥ 撫循：安慰。

⑦ 投石超距：投石，謂以石投遠以擊物；超距，謂跳躍使距超地而騰起。秦軍休養既久，精力充沛，故以投石超距爲戲。

⑧ 蘄南：蘄縣之南。蘄縣故城在今安徽省宿縣南。

⑨ 項燕：項梁之父。

二十四年 西元前
二二三年

（一）王翦、蒙武虜楚王負芻，以其地置楚郡^①。

【註】

① 以其地置楚郡：胡三省曰：「按秦三十六郡無楚郡，此蓋滅楚之時暫置耳，後分爲九江、鄣、會稽三郡。」按王先謙說，鄣郡乃楚漢之際所分置，亦非秦郡。

二十五年西元前
三二三年

(一)大興兵，使王賁攻遼東，虜燕王喜。

臣光曰：「燕丹不勝一朝之忿，以犯虎狼之秦，輕慮淺謀，挑怨速禍，使召公之廟，不祀忽諸①，罪孰大焉！而論者或謂之賢，豈不過哉！夫爲國家者，任官以才，立政以禮，懷民以仁，交鄰以信。是以官得其人，政得其節，百姓懷其德，四鄰親其義。夫如是則國家安如磐石②，熾如焱火③，觸之者碎，犯之者焦，雖有彊暴之國，尙何足畏哉？丹釋此不爲，顧④以萬乘之國，決匹夫之怒，逞盜賊之謀，功隳身戮，社稷爲墟，不亦悲哉！夫膝行蒲伏⑤，非恭也；復言重諾⑥，非信也；糜⑦金散玉，非惠也；刎首決腹⑧，非勇也。要之，謀不遠而動不義，其楚白公勝⑨之流乎！荆軻懷其豢養⑩之私，不顧七族，欲以尺八匕首，彊燕而弱秦，不亦愚乎？故楊子論之，以要離爲蛛蝥之靡⑪，聶政爲壯士之靡，荆軻爲刺客之靡，皆不可謂之義⑫。又曰：『荆軻，君子盜諸⑬。』善哉！」

(二)王賁攻代，虜代王嘉⑭。

(三)王翦悉定荆、江南地，降百越⑮之君，置會稽郡⑯。

(四)五月，天下大酺⑰。

(五)初，齊君王后^㉔賢，事秦謹，與諸侯信，齊亦東邊海上^㉕，秦日夜攻三晉^㉖、燕、楚，五國各自救，以故齊王建立四十餘年，不受兵。及君王后且死，戒王建曰：「羣臣之可用者某。」王曰：「請書之。」君王后曰：「善。」王取筆牘受言，君王后曰：「老婦已忘矣。」君王后死，后勝^㉗相齊，多受秦閒金^㉘，賓客人秦，秦又多與金，客皆爲反閒，勸王朝秦，不脩攻戰之備，不助五國攻秦，秦以故得滅五國。齊王將入朝，雍門^㉙司馬前曰：「所爲立王者，爲社稷耶？爲王耶？」王曰：「爲社稷。」司馬曰：「爲社稷立王，王何以去社稷而入秦^㉚？」齊王還車而反。卽墨大夫聞之，見齊王曰：「齊地方數千里，帶甲數百萬。夫三晉大夫，皆不便秦而在阿、甄^㉛之間者百數。王收^㉜而與之百萬人之衆，使收三晉之故地，卽臨晉之關，可以入矣^㉝；鄒郢大夫^㉞，不欲爲秦而在城南下^㉟者百數，王收而與之百萬之師，使收楚故地，卽武關可以入矣^㊱。如此，則齊威可立，秦國可亡，豈特保其國家而已哉！」齊王不聽。

【註】

㉔ 忽諸：奄忽而亡。

㉕ 磐石：石之底部平大如盤者；亦作盤石，喻國基穩固。

③焱火：焱，火花，音豔（一吟）。喻國勢熾盛。

④顧：反。

⑤膝行蒲伏：膝行，謂屈膝跪行；蒲，謂以手著地爬行；伏，謂俯身伏地；皆恭敬之貌。

⑥復言重諾：復言，謂言必信而可復；重諾，謂重然諾。

⑦糜：耗散。

⑧決腹：以刀切腹，令內臟流出而死。

⑨白公勝：楚平王之孫，太子建之子。建得罪於平王，出奔而死於鄭，勝乃奔吳，引吳師入郢，殺叔父子西，子期，雖報父讎而卒亡其國。

⑩蒙養：養豕曰蒙。蒙養，喻若人之養犧牲，非愛之，將殺之。

⑪以要離爲蛛蝥之隙：要離，吳人，爲吳王闔閭刺殺陵忌；靡，謂披靡而死。此言其力不足，譬如蜘蛛之蝥毒於人而自靡死。蛛蝥卽蜘蛛，胡三省曰：「方言自關以西，秦晉之間，謂之蠶蝥；趙魏之間，謂之蠶蝥。」蝥，音矛（口公）。

⑫皆不可謂之義：按揚子以爲要離、聶政、荊軻三人之死，皆非君親之難，君子所不爲，故曰不可謂之義。以上取意自揚子法言淵騫篇。

⑬荊軻，君子盜諸：此語亦出法言淵騫篇。吳祕曰：「荊軻，以君子之道類之，則盜爾！」

⑭虜代王嘉：嘉奔代，見上卷秦始皇帝十九年，至是趙亡。

④百越：越人種落衆多，各置君長，不相統屬，故稱百越。

⑤會稽郡：治吳縣，故城即今江蘇省吳縣。

⑥大酺：令天下民合聚飲食以爲樂。

⑦君王后：齊太史敫之女，齊襄王之后。

⑧東邊海上：言齊地極東，邊於海，不與秦國接壤，故得不受兵革。

⑨三晉：韓、趙、魏皆故晉地，統稱三晉。

⑩后勝：姓后名勝。按姓譜，后本作郈，其後去邑，遂作后。

⑪閒金：以金賂敵，離其君臣，令爲反閒，故曰閒金。因敵方之閒諜，令其於不知不覺之中，反爲我用，是爲反閒。

⑫雍門：杜預曰：「雍門，齊城門也。」

⑬王何以去社稷而入秦：此語蓋取孟子民爲貴，社稷次之，君爲輕之義。王之所立，既爲社稷，自不能去社稷而自爲身計。去，離也，棄也。

⑭阿、甄：胡三省曰：「甄當作鄆」。按阿卽春秋齊之柯邑，戰國時曰阿邑，秦時謂之東阿，故城在今山東省鄒陽縣東北。鄆卽春秋衛之鄆邑，漢置鄆城縣，故城在今山東省濮縣東。

⑮收：撫集。

⑯卽臨晉之關，可以入矣：謂撫集三晉之兵，使自河東以攻秦，則可破秦之臨晉關。臨晉關亦稱蒲津關，故址在

今陝西省朝邑縣東。

鄆鄆大夫：鄆鄆，楚都，故以鄆鄆大夫泛稱亡楚之遺臣。

城南下：胡三省曰：「城南下，卽南城之下也。南城，齊威王使檀子所守者。」按漢有兩城縣，屬豫章郡，故城在今江西省南城縣南，或卽其地。

卽武關可以入矣：言可使楚人自南陽入武關以攻秦。武關故址在今陝西省商縣東，戰國時爲秦之南關。

二十六年西元前二二二年

（一）王賁自燕南攻齊，猝入臨淄，民莫敢格者。秦使人誘齊王，約封以五百里之地，齊王遂降，秦遷之共^①，處之松柏之間，餓而死。齊人怨王建不早與諸侯合從，聽姦人、賓客，以亡其國，歌之曰：「松耶？柏耶？住建共者客耶？」疾建用客之不詳也^②。臣光曰：「從衡^③之說，雖反覆百端，然大要合從者，六國之利也。昔先王建萬國，親諸侯，使之朝聘以相交，饗宴以相樂，會盟以相結者，無它，欲其同心勦力，以保家國也。曷使六國能以信義相親，則秦雖彊暴，安得而亡之哉？夫三晉者，齊楚之藩蔽，齊楚者，三晉之根柢，形勢相資，表裏相依。故以三晉而攻齊楚，自絕其根柢；以齊楚而攻三晉，自撤其藩蔽也。安有撤其藩蔽以媚盜，曰：「盜將愛我而不攻。」豈不悖哉！

(二)王初并天下，自以爲德兼三皇，功過五帝^④，乃更號曰皇帝^⑤。命爲制，令爲詔^⑥，自稱曰朕^⑦，追尊莊襄王爲太上皇^⑧。制曰：「死而以行爲謚，則是子議父，臣議君也，甚無謂。自今以來，除謚法，朕爲始皇帝，後世以計數，二世、三世至於萬世，傳之無窮。」

(三)初，齊威、宣之時，鄒衍論著終始五德之運^⑨。及始皇并天下，齊人奏之，始皇采^⑩用其說，以爲周得火德，秦代周，從所不勝爲水德，始改年^⑪，朝、賀皆自十月朔^⑫，衣服、旌、旄、節、旗皆尙黑^⑬，數以六爲紀^⑭。

(四)丞相綰^⑮言燕、齊、荆地遠，不爲置王，無以鎮之，請立諸子。始皇下^⑯其議，廷尉^⑰斯曰：「周文、武所封子弟、同姓甚衆，然後屬疏遠，相攻擊如仇讎，周天子弗能禁止。今海內賴陛下神靈，一統，皆爲郡縣，諸子功臣，以公賦稅重賞賜之，甚足易制，天下無異意，則安寧之術也，置諸侯不便。」始皇曰：「天下共苦戰鬥不休，以有侯、王，賴宗廟，天下初定，又復立國，是樹兵^⑱也，而求其寧息，豈不難哉！廷尉議是。」分天下爲三十六郡^⑲，郡置守、尉、監^⑳。收天下兵聚咸陽，銷以爲鍾鐻^㉑，金人^㉒十二，重各千石，置宮庭中。一法度、衡、石、丈尺，徙天下豪桀於咸陽十二萬戶

。諸廟及章臺^④、上林^⑤，皆在渭南。每破諸侯，寫放其宮室^⑥，作之咸陽北阪^⑦上，南臨渭，自雍門^⑧以東至涇、渭^⑨，殿屋、復道^⑩、周閣相屬^⑪，所得諸侯美人、鍾鼓以充入之。

【註】

①格：抗禦。

②共：古國名，漢爲共縣，故城卽今河南省輝縣。

③疾建用客之不詳也：言恨齊王建不詳察賓客之善否而濫用之，致使齊國滅亡。

④從衡：南北聯合曰從，東西勾結曰衡。從，讀曰縱；衡，讀曰橫。

⑤三皇五帝：按三皇五帝，其說不一，秦博士以天皇、地皇、泰皇爲三皇，秦皇所採必以此說爲主。至於五帝之說，大戴禮、史記均以黃帝、顓頊、帝嚳、堯、舜爲五帝，此戰國通行之說，秦皇亦必採此。

⑥乃更號曰皇帝：孔穎達曰：「帝者，諦也，言天蕩然無心，忘於物我，公平通遠，舉事審諦，故謂之帝也。帝號同天，名所莫加，而稱皇者，以皇是美大之名，言大於帝也。」

⑦命爲制，令爲詔：天子之言，一曰制書，二曰詔書。制書，謂天子所頒制度之命。詔書，謂天子布告臣民之書。按秦以前，上下相告語，皆可謂之詔，如周禮春官大宗伯：「詔相王之大禮，」此君告臣之例；莊子盜跖篇：「爲人父者，必能詔其子，」此父告子之例；左傳成二年：「嬖之詔也，」此同僚相告之例；周禮天官大宰

：「以八柄詔王馭羣臣，」此臣告君之例。自秦漢以後，惟天子始得稱之。

④自稱曰朕：古者君臣之間通稱朕，自始皇帝定制，唯天子獨稱之。兩漢而後，因而不改。

⑤追尊莊襄王爲太上皇：胡三省曰：「太上者，極尊之稱也。始皇自號始皇帝，故追尊莊襄王爲太上皇。自漢高帝以尊太公，此後不復爲追號。」

⑥終始五德之運：金、木、水、火、土，謂之五德。鄒衍創五德相勝之說，謂土勝水，木勝土，金勝木，火勝金，水勝火，是爲推五勝。五德運行，終而復始，是爲終始五德之運。鄒衍以火流王屋，爲周受命之符，且服色尙赤，故以爲周得火德，秦代周，故以秦爲水德。

⑦采：古採字。

⑧始改年：胡三省曰：「夏以建寅之月爲歲首，殷以建丑之月爲歲首，周以建子之月爲歲首，今始皇以建亥之月爲歲首，是改年也。」

⑨朝賀皆自十月朔：秦正建亥，故以十月爲歲首，朝賀以十月朔。

⑩衣服、旌、旄、節、旗皆尙黑：析羽注旄於竿首謂之旌。旄，旌旗竿節，亦謂之幢，本用犛牛尾爲之。節，使者所持以爲信；編毛於竿以象竹節，故謂之節。始皇以水德屬北方，北方尙黑，故衣服、旌、旄、節、旗皆尙黑。

⑪數以六爲紀：胡三省曰：「水成數六，故以六爲紀。」

⑫丞相綰：丞相王綰。

下：自上付下。

廷尉：按漢書百官表：廷尉，秦官，主羣獄訟。顏師古曰：「廷，平也。治獄貴平，故以爲號。」

櫓兵：櫓謂培植；兵謂戰亂。

分天下爲三十六郡：秦三十六郡，或秦故郡，或因六國之舊，或滅六國所置。至始皇二十六年，凡有郡三十六，茲爲簡明起見，列表若下：

秦始皇帝二十六年所定三十六郡表

郡名	何國置	置郡年代	舊爲何國地	入秦年代
隴西郡	秦置	秦昭襄王時	秦故封	秦昭襄王時
北地郡	秦置	秦昭襄王時	秦故封	秦昭襄王時
上郡	魏置	秦昭襄王時	魏境	秦惠文王十年
漢中郡	楚置	秦昭襄王時	楚境	秦惠文王後十三年
蜀郡	秦置	秦惠文王後十四年	故蜀國	秦惠文王後十四年
巴郡	秦置	秦惠文王後十四年	故巴國	秦惠文王後十四年
邯鄲郡	秦置	秦王政十九年	趙都	秦王政十九年
鉅鹿郡	秦置	秦王政二十三年	趙境	秦王政二十三年
太原郡	秦置	秦莊襄王三年	趙故郡	秦莊襄王三年
上黨郡	韓置	秦莊襄王三年	本韓地，後入趙	秦莊襄王三年
雁門郡	趙置	秦莊襄王三年	趙境	秦王政十九年

廣陽郡	漁陽郡	琅邪郡	齊郡	會稽郡	鄭郡	薛郡	泗水郡	九江郡	長沙郡	南陽郡	黔陽郡	南川郡	潁川郡	三川郡	碭郡	東郡	河東郡	九原郡	雲中郡	代郡
秦置	秦置	秦置	秦置	秦置	秦置	秦置	秦置	秦置	秦置	秦置	秦置	秦置	秦置	秦置	秦置	秦置	秦置	秦置	秦置	秦置

秦昭襄王二十六年	秦昭襄王二十五年	秦昭襄王二十四年	秦昭襄王二十四年	秦昭襄王二十四年	秦昭襄王二十四年	秦昭襄王二十四年	秦昭襄王二十四年	秦昭襄王二十四年	秦昭襄王二十四年	秦昭襄王二十四年	秦昭襄王二十四年	秦昭襄王二十四年	秦昭襄王二十四年	秦昭襄王二十四年	秦昭襄王二十四年	秦昭襄王二十四年	秦昭襄王二十四年	秦昭襄王二十四年	秦昭襄王二十四年	秦昭襄王二十四年
----------	----------	----------	----------	----------	----------	----------	----------	----------	----------	----------	----------	----------	----------	----------	----------	----------	----------	----------	----------	----------

燕境	燕境	齊境	齊境	楚境	楚境	楚境	楚境	楚境	楚境	楚境	楚境	楚境	楚境	楚境	楚境	楚境	楚境	楚境	楚境	楚境
----	----	----	----	----	----	----	----	----	----	----	----	----	----	----	----	----	----	----	----	----

秦昭襄王二十一年	秦昭襄王二十一年	秦昭襄王二十一年	秦昭襄王二十一年	秦昭襄王二十一年	秦昭襄王二十一年	秦昭襄王二十一年	秦昭襄王二十一年	秦昭襄王二十一年	秦昭襄王二十一年	秦昭襄王二十一年	秦昭襄王二十一年	秦昭襄王二十一年	秦昭襄王二十一年	秦昭襄王二十一年	秦昭襄王二十一年	秦昭襄王二十一年	秦昭襄王二十一年	秦昭襄王二十一年	秦昭襄王二十一年	秦昭襄王二十一年
----------	----------	----------	----------	----------	----------	----------	----------	----------	----------	----------	----------	----------	----------	----------	----------	----------	----------	----------	----------	----------